

四月份全國天氣概況

本月全國燠暖而乾旱！

溫度 本月平均月溫視前月爲高，除西北高原而外，即極端最低之紀錄，亦未有低於零下者，西北高原約 10—15°C，視往年稍高，渭水流域及黃河中流在 16—18°C 間，長江流域約 18—19°C，東南海濱在 20°C 左右，華南及西南一帶則皆超出 20°C，龍州 24.8°C 爲全國最熱之地，本月全國溫度偏差無處非正，鄭州 +4.4 c 常德衡陽亦達 +4.0°C，餘地多在 +2°C 左右，爲歷年來稀有之現象。

雨量 黃河流域大際均在 10mm. 以下，渭水盆地約 50—70mm.，長江中流及浙閩西部爲全國雨水最豐之地然亦不過 100—150mm.，其他各地均在 100mm. 以下，華南且不及 50mm.，雲南甚至不及 10mm.，雨量偏差均屬負號，長沙—154mm.，衡陽—145mm. 爲其中之最鉅者，其他各地約在—10 至—50mm. 之間。

四月通常爲風暴最多之月，本年則特少，溫度之高與雨量之少，職是故也。

月初高氣壓坐鎮華中，天氣晴好，僅西南略有零星之雨區，三日蒙古高氣壓南下，長江流域雨，次日波及於華南，五日高氣壓入據華中，各地次第轉佳，八九日間，寒潮南下，長江流域有風雨，並聞雷鳴，十日高氣壓中心至四川，天氣轉晴，惟至月半，長江以南猶有零星之雨區。十五日至十七日全國晴朗，十八日低氣壓自華北過長江口而東走，暖流之勢甚盛，當是期間，溫度頗見高漲。二十一日寒潮南下，各地次第有大風雨及雷雨，迄二十五日始漸轉佳，此爲本月最寒之時期，此後以迄月終高氣壓始終穩定於華中，未見移動，天氣自少變化。(鑒)